

# 晚清名儒年譜

陳祖武先生選  
清人年譜系列

◎本社影印室 輯

◎北京圖書館出版社

陳垣武先生  
清人年譜系列

◎本社影印室 輯

◎北京圖書館出版社

# 晚清名儒年譜

②

## 第二冊目錄

|               |    |               |     |
|---------------|----|---------------|-----|
| 劉孟瞻先生年譜(劉文淇)  | 二卷 | 附錄一卷(日)小澤文四郎編 | 三〇七 |
| 吳竹如先生年譜(吳廷棟)  | 一卷 | (清)方宗誠編       | 四七五 |
| 丁柘唐先生歷年紀略(丁晏) | 一卷 | (清)丁一鵬編       | 四九五 |
| 柘唐府君年譜(丁晏)    | 一卷 | (清)丁壽恒等編      | 四九五 |

俯之世講品人未歲曾覆一緘諒已

鑒入比維

侍奉舅福著述日增為頌洪現為岑大校刻

輿地紀勝及朱武曹禮先記訓纂均約于春

夏間可以竣事終日碌碌未遑有理舊業每念

英俊勤于編集深為使羨尚語疏濬

尊甫已有長編

豈不能繼述盛業不使高郵父子芳名於前是  
所望也劉都轉之子慈民長才深嗜金石  
昨持琅函祥三級浮圖碑見示紀年元象  
二係東魏時物碑新居士趙姓係元氏人不知此  
石在否如有乞代拓數張以贈兩人沈君常山金

石者如有輝文心希抄示沈君書能代完一部  
更如近來邑中曾訪得新出土及舊有  
者若干能

見和一二石出此奉市印取

待安公一

文洪跋首



焚楨十兄同年並下可接

並下手書詩心

起居無恙嗣托孟唐大兄帶回一札想已經

賜覽弟自北來一路因孟唐行止抵常笑語不知山徑之

苦孟唐故長者爽甚平、然每與爽輒自譎為手腳連負

不為屈也其可笑可如此弟並服孟唐之學典只為人

質厚至於爽終不之許是又弟之倔強也孟唐之學有

實下手工夫 弟心佩之至前在途後及

呈下近日常毛鄭之學弟聞之色喜夫毛鄭非毛匹也弟累年

究心毛故今始通其什八只餘出處尚有未暇詳白

呈下書成不可不先示一讀庶以啓弟之苦心也茲將毛鄭詩

譜敘錄呈

是正別有毛鄭詩盟宜日郵寄到場此乞

鑒別元儒有言前人之失吾知之矣之失吾不能自知也

惟

大正董而正之並候

文安不宣

再

愚弟丁晏頓首十月初一日

端臨先生惠書最於友人交見遺書一冊茲無以贖訪如有印本乞

賜一部為感又及毛祁詩譜郵叙閱後仍呈孟詹兄索核晏孫白

丁儉卿寄劉楚楨手札（橋川子雍先生所藏）



劉孟瞻先生年譜序

有清之世文治昌明學術號為極盛治經者咸能守師法通故訓精研博辨盡埽宋元以來空疏駁雜之弊其風尚肇於康熙洎乾嘉而名儒輩出塗分流別著述迺冠絕於一代蓋乾嘉諸儒尊依漢詁凡所為書義例精密更張舊釋補失匡違董理之功遂軼晉唐舊疏之上間、秩、良、尚矣儀徵劉孟瞻先生文淇崛起於嘉慶之季沈思博誦貫通群經尤致力於春秋左氏傳嘗

謂左氏之書久為杜征南所晦鄭康成賈景  
伯服子慎之古義雖孔仲達不能復辨乃鈎  
稽鄭賈服三家佚注及近代諸儒補注精校  
詳擇為左氏傳舊注疏證凡杜氏所排擊者  
糾正之沈沒者表著之訖二年載厘寫長編其  
功未竟世深惜之厥後傳於伯山毓松再傳於  
恭甫壽曾續纂至襄公四年而復輟筆然一  
經相承三世傳業天下學者固歸伏久矣日  
本小澤文四郎介余及門孫子書以所輯孟瞻  
先生年譜見眎請序其端夫自古英賢才俊

其勛業文章垂著於世者後人企念風徽猶  
為旁徵傳記廣采遺聞著為譜錄用寄其  
景仰之忱況孟瞻先生世承素業厲志窮經  
身名不顯於當時撰述足傳於來業承學之  
士習其遺書曰而攷其行實溯其師友交游  
為之論定生平藉以窺尋前輩進德脩業之  
軌其所係寧不鉅哉願年譜之作大抵出於  
子姓或門人故舊以其蒐采便而問見詳也今  
小澤君以東瀛隼士求學我邦慨慕先儒創  
編茲譜則輯錄之勛捃摭之艱自什倍於常

倫然自屬稿迄於成書為期不越一載而取材必賅隸事咸允顏黃門所謂隳括有條例抉擇窮本原者殆足當之矣憶昔訪書江左先生故里頻歲經游而遺稿莫尋流風頓寂頃聞小澤君渡江弔古稅駕蕪城乃得躬造舊廬締交賢裔高山仰止夙願幸償雅尚清風欽慕靡爰於年譜之行也欣然命筆所不辭焉歲在己卯三月汪安傳增湘撰

# 自序

有清三百年學術曠古盛業國初顧黃閻王諸家定其丕基惠戴段王極盛乾隆嘉道之交阮伯元優游宦海宰學海詰經造就甚衆夫揚州之地長江南迤淮瀆北控運河縱走物豐人傑且當交通要衝文人墨客往來甚殷容甫石臞稱盛于前伯元休致回里延儒好文大振于後劉孟瞻先生文淇少俊異與同郡劉楚楨先生寶楠友善有揚州二劉之目先生雖應試不售未周遊天下而天下之士過從此地者皆願與交而並郡士流亦斐然各欲有所造述與先生道義切磋相得益彰治經校史學冠江淮當路鄉黨靡不推重子伯山亦文筆騰蹕凌厲排突前哲孫恭甫紹述祖業曾孫中叔名振海內不幸咸短命矣丁丑季秋余負笈燕京竊謂欲覘當時揚州之學派應先詳悉先生學行乃試編先生年譜然而編年譜之事似易實難其難在搜采資料之難期完璧聞先生

畢生大著春秋左傳舊注疏證八十卷存于滬而今不可寓目其讀書隨筆二十卷不知存亡尤爲憾也又若夢陔堂詩集黃春谷念樓集劉楚楨松庵集梅蘊生舍是集王句生等所載之唱和應酬詩關於先生事迹雖多然先生所撰青溪舊屋詩集僅一卷概不能確核其年月其他若先生與校之四書說苑孫彥之秋槎雜記劉迪九等多難推定其年代而先生所注南北史燬于兵燹今不可以知其體裁矣知其難而爲之者亦嗜尙所在不能自己耳江安傅沅叔先生暨鹽城孫蜀丞先生及橋川子雅先生憐余不敏出示秘笈拳拳提撕始得脫稿乃逐錄清本質之通人余意所存謬承許可乃不自揣度授工付印惟博雅君子教正是幸昭和十三年戊寅七月後學日本上野小澤文四郎謹識

于北京朗日廬